



Sinan GLUHIĆ je u dvadesetčetverogodišnjoj novinarskoj karijeri znanje i vještine sticao u domaćim printanim i elektronskim medijima. Pripada ratnoj generaciji novinara. Prošao je sve novinarske stepenice u Radio-televiziji Zenica, od saradnika, zatim reportera, voditelja, te novinara, urednik, do glavnog i odgovornog urednika. Posvećen je najvišim novinarskim standardima i etici. Direktan, kreativan i odgovoran. Od saradnika uvijek traži najbolje što mogu.

Novinarstvom se počeo baviti u ratu, pišući za brigadne biltene, organizujući izložbe, rukovodeći i bibliotekom. Reporterske, voditeljske i uredničke zadatke obavljao je tada i za kakanjsku NTV IC 7, prateći uspješno i sport. 1997. godine dolazi u JP RTV ZENICA. Uklapa se brzo u tim starijih i iskusnijih kolega, usavršava se i napreduje. Vodio je Centralnu informativnu emisiju „Zenica danas“, uređivao i vodio emisiju s vojnom tematikom „Armija smo“, realizovao brojne dijaloške emisije, uređivao i vodio kontakt-program „Riječ po riječ“, a najveći pečat ostavio je popularnim dokumentarnim serijalom „Selu u pohode“. Četiri godine bio je član dopisništva Dnevnog avaza, pisao je za revijalne časopise poput „Lovačkog lista“, „Blinkera“...

Rođen je u Kaknju 18.02.1972.godine, a školovao se uglavnom u Zenici. Novinarstvu se posvetio nakon težeg ranjavanja i nije zažalio. Usavršavao se kroz razne škole novinarstva, seminare, radionice i kurseve koje su organizovale domaće i međunarodne organizacije i fondacije, poput Udruženja novinara, UNICEF-a, Misije OSCE-a, SFOR-a, Konrad Adenauer itd.

Vrlo je aktivan i kroz nevladin sektor. Humanista, zaljubljenik u prirodu i borac za radnička prava.